

SECTIO TERTIA
DE
MOTV FLUIDORVM
LINEARI POTISSIMVM AQVAE.

Auctore

L. EULERO.

CAPVT I.
DE
PRINCIPIIS MOTVS LINEARIS FLUIDORVM.

Definitio.

1.

Fluidum motu lineari ferri dicitur quando eius vena ita Tab. I.
secundum lineam quandam DE, quam motus directionem Fig. 32.
vocare licet, mouetur, vt in singulis punctis Z motus fiat
secundum directionem eius lineae, et per totam sectionem
UV ad directricem normaliter factam celeritas in omnibus
punctis sit eadem.

Coroll. 1.

2. Ad motum ergo linearem duo requiruntur, primo
vt motus vbique sequatur directionem certae cuiusdam li-

E e 2 neae

neae DE, quae eius directrix vocatur, tum vero vt in singulis sectionibus UV ad directricem normalibus omnia fluidi elementa pari celeritate secundum eandem directionem proferantur.

Coroll. 2.

3. Cognito ergo linea directrice si in quouis eius puncto Z fluidi celeritas fuerit data eadem quoque toti sectioni UV est communis, et quia directio convenit cum directricis tangente in puncto Z totus motus sectionis UV erit determinatus.

Scholion 1.

Tab. I. Fig. 33. 4. Quando fluidum per tubum angustissimum DE transire cogitur, eius motus recte pro lineari, quem hic descripsimus haberi potest, ob angustiam enim tubi in singulis punctis Z alia motus directio esse nequit, nisi quam tractus tubi permittit, ac si rem accuratius cognoscere velimus, per mediam tubi cavitatem lineam productam DZE concipere licet, quae motus directricem repraesentabit et ex cuius directione in singulis punctis Z ipsa motus directio innotescet. Tum vero quia tubus est angustissimus, in qualibet eius sectione UV ad directricem normali tam fluidi celeritas quam directio ubique erit eadem, non quod omnis inaequalitas absolute excludatur, quum utique fieri posset, vt per partem ZU celerius vel lentius feratur quam

per

per partem ZV, sed tales motus hic excludimus, dum in motum linearem inquirimus, tantum eos, qui sint definitioni consentanei consideraturi. Quodsi vero talis inaequalitas adsit, perspicuum est tubi amplitudinem continuo magis coarctando, tandem omnem huiusmodi inaequalitatem cessare debere, quocirca si tubos infinite angustos statuamus, huic exceptioni ne locus quidem relinquitur. Atque hoc casu etiam linea directrix non discrepat a ductu ipsius tubi; perindeque erit quodnam tubi latus pro directrice accipiatur; interim tamen non est necesse, ut tubo ubique eadem amplitudo tribuatur, quin potius insignis diuersitas admitti poterit, dummodo nusquam enormis saltus occurrat, veluti eueniret, si usquam in F tubi continuitas tumore interrupteretur, qui etiamsi esset infinite paruus, tamen motus non amplius legem praescriptam sequi posset, dum fluidum in tumore fere stagneret, et reliquum perinde praeterflueret, ac si tumor ille abesset. Huiusmodi ergo irregularitates in tubo motus continuitatem perturbantes omnino sunt excludendae.

Scholion 2.

5. Quamquam motus linearis proprie tubos infinite angustos postulat, ne eiusmodi inaequalitates quae huius motus indoli aduersarentur, locum habere queant, tamen etiam in tubis satis amplis fieri potest, ut motus fluidi istam legem

gem sequatur, hocque casu istiusmodi etiam motus, quantumvis tubi fuerint ampli, recte ad motum linearem referuntur. Quin etiam etsi motus ab hac lege parumper recedat, in praxi hoc discrimen vix spectari solet, et conclusiones ex calculo deductae pro veris proxime habentur, experientia non admodum reclamante. Ita effluxus aquae ex vasis etiam amplissimis per foramen factus ex his principiis ita definitur solet, ut vix ullus dissensus ab experientia percipiatur, atque adeo a veritate eo minus aberratur, quo minus fuerit foramen, cum tamen hoc casu tota vasis strata ad directricem normalia certe non communi motu ferantur. Verum hic commode usu venit, ut vasis figura ex calculo ad finem perducto iterum egrediatur, et effluxus eodem modo fieri deprehendatur, ac si vas reuera haberet figuram ad modum linearem accommodatam. Etsi autem haec motus linearis consideratio amplissimum habet usum, tamen quia in tubis amplioribus motus aliam legem sequitur, unde aberrationes, quamvis vix sentiantur, nasci debent, nostras inuestigationes tantum ad tubos angustissimos referri conveniet, quam ob causam etiam motus, quos hic sum consideraturus lineares vocavi.

Scholion 3.

6. Tractatio haec ingentem includit varietatem ex tuborum figura oriundam, primum ergo tubos considerabo rectos, seu

seu potius quorum directrices sint lineae rectae, quibus quidem amplitudines utcumque variables tribuere licet. Deinde fluidi motus sum investigaturus per tubos, quorum directrices sunt lineae curuae; quae prout fuerint vel in eodem plano vel secus? in calculo aliquod discrimen pariant, dum priori casu figura per duas tantum coordinatas, posteriori vero per tres est definienda. Plurimum deinde interest, vtrum fluidum perpetuo in huiusmodi tubis fluat, an alicubi effluat tum vero ipsa fluidi natura, et vires sollicitantes in computum sunt ducendae. Omnino autem motus determinatio ex principis ante stabilitis peti debet, et quoniam duplici modo haec motus principia sunt euoluta, quouis casu vti conueniet eo qui maxime accommodatus videbitur. Primum quidem tubos in quiete positos spectabo, deinceps seorsim in motum per tubos mobiles inquisiturus.

Problema 42.

7. Motum linearem fluidi per tubum rectilineum ad calculum reuocare; methodum adhibendo supra priori loco expositam.

Solutio.

Sit $OIA\alpha$ tubus propositus eiusque directrix linea recta Tab. I. OA cuius amplitudo sit utcumque variabilis. Elapso tempore t consideretur fluidi particula tubi spatium $XxVv$ occupans

pans, atque a termino fixo O ponatur distantia $OX = x$, tubique amplitudo in X seu sectio normaliter facta $XV = \omega$, ita ut ω sit functio data ipsius x . Iam per sectionem XV sit celeritas fluidi secundum directionem $XA = u$, densitas $= q$, et pressio $= p$; eruntque u , q et p functiones duarum variabilium x et t ; tum vero ex fluidi natura datur relatio inter p et q , et calorem r si forte eius ratio fuerit habenda. Tribuatur huic particulae crassities $Xx = dx$ eritque eius volumen $= \omega dx$ et massa $= q\omega dx$. Iam tempusculo dt progrediatur haec particula in $X'V'x'v'$; et cum celeritas in X sit $= u$, erit spatiolum $XX' = udt$; in x vero celeritas $= u + dx \left(\frac{du}{dx}\right)$ dabit spatiolum $xx' = udt + dt dx \left(\frac{du}{dx}\right)$, ita ut sit $X'x' = dx + dt dx \left(\frac{du}{dx}\right)$. Cum autem amplitudo in X' sit $= \omega + udt \cdot \frac{d\omega}{dx}$, erit istius particulae volumen $= \omega dx + \omega dt dx \left(\frac{du}{dx}\right) = udt dx \cdot \frac{d\omega}{dx}$. At densitas nostrae particulae in X' inde colligi debet, quod cum q sit functio ipsarum x et t , prior x incrementum capiat $XX' = udt$, posterior vero t incrementum dt , ex quo densitas in X' erit $= q + udt \left(\frac{dq}{dx}\right) + dt \left(\frac{dq}{dt}\right)$ per quam si volumen modo inuentum multiplicetur, prodit massa nostrae particulae translatae:

$$X'V'x'v' = q\omega dx + dx dt \left(q\omega \left(\frac{du}{dx}\right) + qu \left(\frac{d\omega}{dx}\right) + \omega u \left(\frac{dq}{dx}\right) + \omega \left(\frac{dq}{dt}\right) \right),$$

quae quia aequalis esse debet massae priori $q\omega dx$, haec consideratio pro motu suppeditat hanc priorem aequationem:

$$q\omega$$

seti
Cu
u-
tur
trif
qu
in
X'
H
=
qu
E
li
X
v
a
c

$$q\omega \left(\frac{du}{dx}\right) + qu \cdot \frac{d\omega}{dx} + \omega u \left(\frac{dq}{dx}\right) + \omega \left(\frac{dq}{dt}\right) = 0,$$

seu $qu \cdot \frac{d\omega}{dx} + \left(\frac{d \cdot qu}{dx}\right) + \left(\frac{dq}{dt}\right) = 0.$

Cum porro celeritas u post tempusculum dt , abeat in $u + udt \left(\frac{du}{dx}\right) + dt \left(\frac{du}{dt}\right)$, quia non solum tempori t augmentum dt sed etiam distantiae $OX = x$ augmentum $XX' = udt$ tribui debet, erit acceleratio particulae $XVxv = u \left(\frac{du}{dx}\right) + \left(\frac{du}{dt}\right)$, quae cum viribus acceleratricibus conuenire debet. Ad has inueniendas primo pressio perpendatur, quae cum in facie XV sit $= p$, erit in facie $xv = p + dx \left(\frac{dp}{dx}\right)$ ob $Xx = dx$. Hinc nascitur vis acceleratrix particulam retro vrgens $= \frac{1}{q} \left(\frac{dp}{dx}\right)$, siquidem vis motrix inde nata est $= \omega \cdot dx \left(\frac{dp}{dx}\right)$, quae per massam $q\omega dx$ diuisa illam dat vim acceleratricem. Ex viribus porro fluidi particulas singulas immediate sollicitantibus nascatur vis acceleratrix secundum directionem $XA = P$ ita vt iam secundum eandem directionem tota sit vis acceleratrix $= P - \frac{1}{q} \left(\frac{dp}{dx}\right)$, quae per $2g$ multiplicata accelerationi est aequanda, vnde pro motu fluidi altera aequatio ita se habet:

$$2gP - \frac{2g}{q} \left(\frac{dp}{dx}\right) = u \left(\frac{du}{dx}\right) + \left(\frac{du}{dt}\right),$$

seu si tempus t constans accipiatur:

$$\frac{2gd p}{q} = 2gP dx - u dx \left(\frac{du}{dx}\right) - dx \left(\frac{du}{dt}\right) = 2gP dx - u du - dx \left(\frac{du}{dt}\right).$$

Haec ergo aequatio cum ante inuenta:

$$qu \cdot \frac{d\omega}{dx} + \left(\frac{d \cdot qu}{dx}\right) + \left(\frac{dq}{dt}\right) = 0$$

coniuncta, si relatio inter p et q ex natura fluidi in subsidium vocetur, totum motum determinabit.

Coroll. 1.

8. Multiplicetur etiam prior aequatio per dx , et in eius integratione tempus t constans spectetur; habebiturque $\frac{qu d\omega}{\omega} + d \cdot qu + dx \left(\frac{dq}{dt}\right) = 0$ seu $\omega dx \left(\frac{dq}{dt}\right) + d \cdot qu\omega = 0$, unde si densitas fluidi fuerit constans $q = b$ colligitur $u\omega = \text{const.}$ quae constans tempus t vtcunque inuoluere potest, unde patet celeritates in diuersis tubi locis quouis tempore eius amplitudinibus reciproce esse proportionales, quae est notissima motus fluidorum per tubos proprietas.

Coroll. 2.

9. Sin autem densitas fluidi q non fuerit constans, sed etiam a pressione p pendeat, necessario ambae aequationes coniungi debent, vt ex iis deinceps pro quouis loco et ad quoduis tempus t tam celeritas u , quam pressio definiatur; quae inuestigatio propterea saepe vehementer difficilis euadit.

Scholion.

10. Cum hic motus sit casus maxime specialis problematis generalissimi, cuius supra duplicem solutionem exhibuimus, hicque methodo priori sim vsus, necesse est vt

solutio hic inuenta in illa generalissima contineatur, quod quidem de altera aequatione pressionem p definiente per se est perspicuum; dum enim hic praeter tempus t vnica variabilis x adest, ii etiam termini, qui differentialia dy et dz complectebantur sunt praetermissi, vbi imprimis notandum est binas celeritates v et w euanescere, propterea quod per totam sectionem XV motus secundum eandem directionem OA fieri concipitur. Altera autem aequatio ob terminum $qu \cdot \frac{d\omega}{\omega dx}$ generali formae penitus aduersari videtur; amplitudine autem tubi vbique eadem existente res egregie conuenit. Verum tamen re bene perpensa et haec aequatio immediate ex forma generali deduci potest. Si enim tubus ab V ad V' diuertat, motus directio circa V aliquantillum a directione OA deflectere debet. Posita ergo XV = y , statuatur celeritas $v = ay$, vt in X nulla sit deflexio, vt tertia autem celeritas w euanescat, sumatur $z = \text{const.} = \gamma$, vt sit $\omega = \gamma y$. Quia autem densitas q plane non ab y pendet, erit $\left(\frac{d \cdot qv}{dy}\right) = \alpha q$; at quia y est functio ipsius x , erit X'V' = $y + udt \cdot \frac{dy}{dx}$, tum vero ex celeritate v fit etiam XV' = $y + vdt = y + aydt$, vnde fit

$$\alpha = u \cdot \frac{dy}{y dx} = u \cdot \frac{d\omega}{\omega dx}, \text{ ideoque } \left(\frac{d \cdot qv}{dy}\right) = qu \cdot \frac{d\omega}{\omega dx}.$$

Hinc ergo clare intelligitur, quomodo solutio specialis hic data pulcerrime cum aequatione generali cohaereat, atque ex ea nascatur.

Problema 43.

11. Praecedens problema, quo motus fluidi in tubo rectilineo quaeritur, per methodum posteriorem respectu ad statum initialem habito resolvere.

Solutio.

Tab. II.
Fig. 35. Fluidi particula, cuius motum inuestigamus, initio $t=0$ occupauerit tubi elementum $XVX'V'$, pro quo ponamus $OX=X$, $XX'=dX$; amplitudinem tubi in $X=\Omega$, ut volumen particulae sit $=\Omega dX$. Sit porro densitas in $X=Q$, pressio $=P$ et celeritas secundum directionem $XA=U$ quae omnibus particulae punctis est communis; vnde eius massa $=Q\Omega dX$. Iam elapso tempore t eadem particula reperiatur in $xvx'v'$ pro qua ponamus $Ox=x$, amplitudinem $xv=\omega$, tum vero densitatem in $x=q$, pressionem $=p$ et celeritatem secundum $xA=u$, eruntque litterae x, q, p, u functiones binarum variabilium X et t , at amplitudo ω est certa functio ipsius x ex tubi figura definienda. Cum iam sectio $X'V'$ eodem tempore t peruenerit in $x'v'$ erit $xx'=dX\left(\frac{dx}{dX}\right)$; vnde particulae $xvx'v'$ volumen erit $\omega dX\left(\frac{dx}{dX}\right)$ et massa $=q\omega dX\left(\frac{dx}{dX}\right)$, quae cum semper maneat eadem habebimus pro motus determinatione hanc primam aequationem:

$$q\omega\left(\frac{dx}{dX}\right) = Q\Omega.$$

Cum deinde celeritas in x sit $u = \left(\frac{dx}{dt}\right)$, erit particulae $xvx'v'$ acceleratio $= \left(\frac{d^2x}{dt^2}\right)$. Ex viribus sollicitantibus nas-

ca-

catur pro hac particula vis acceleratrix secundum directionem $xA = \mathfrak{P}$; tum vero quia in x' pressio est $= p + dX \left(\frac{d p}{d x} \right)$, hinc oritur vis motrix retro vrgens $= \omega dX \left(\frac{d p}{d x} \right)$, quae, per massam $q \omega dX \left(\frac{d x}{d X} \right)$ diuisa, dat vim acceleratricem $= \frac{1}{q \left(\frac{d x}{d X} \right)} \cdot \left(\frac{d p}{d x} \right)$ ab illa \mathfrak{P} subtrahendam, vnde altera aequatio motus determinationem continens colligitur:

$$\left(\frac{d d x}{d t^2} \right) = 2 g \mathfrak{P} - \frac{2 g'}{q \left(\frac{d x}{d X} \right)} \cdot \left(\frac{d p}{d x} \right).$$

quae sumto tempore t constante abit in hanc:

$$\frac{2 g d p}{q} = 2 g \mathfrak{P} x - d x \left(\frac{d d x}{d t^2} \right).$$

COROLL. 1.

12. Perspicuum est quantitates x , q , p et u eiusmodi functiones esse debere binarum variabilium X et t , vt facto $t = 0$ fiat $x = X$, $q = Q$, $p = P$, et $u = U$; quibus conditionibus per integrationem est satisfaciendum.

COROLL. 2.

13. Amplitudo ω vt functio data spectatur quantitatis $Ox = x$, quae cum ipsa sit functio ipsarum X et t , eatenus amplitudo ω a tempore pendere est censenda.

Scholion.

14. Quia hoc problema continet casum maxime specialem problematis generalissimi 41, etiam solutionem hic da-

datam in illa generalissima contentam esse oportet, quod quidem de aequatione posteriori statim patet, quippe qui ex forma generali nascitur, si termini, qui ibi binas variables Y et Z inuoluunt expungantur. Quemadmodum autem aequatio prior cum solutione generali conueniat, minus clare perspicitur. Consensus autem iterum ostendi potest, si modo ad amplitudinis tubi variationem rite respiciatur. Hunc in finem spectentur ternae tubi dimensiones, et si binae Y et Z praec $OX = X$ sunt infinite paruae, ac Z quidem vt constantis per totum tubum magnitudinis consideretur, vt sit $z = Z$ ideoque $(\frac{dz}{dx}) = 1$, tum vero erit $\Omega = YZ$. Statuatur $y = LY$, existente L functione solius temporis t , fietque $(\frac{dy}{dx}) = L$ et $(\frac{dy}{dx})$ cum reliquis formulis differentialibus euanescit, atque amplitudo in x erit $\omega = LYZ = L\omega$. - Nunc ex solutione generali colligitur valor $K = (\frac{dx}{dy}) L, 1$, qui ob $L = \frac{\omega}{\Omega}$ abit in $K = \frac{\omega}{\Omega} (\frac{dx}{dy})$: quo inuento manifestum est $Kq = Q$, vt solutio habet generalis; sicque tota haec solutio in generali continetur, ex eaque vt casus specialis deriuari potest.

Problema 44.

Tab II. 15. Si tubi directrix IYK sit linea curua quaecun-
 Fig. 36. que in eodem plano posita, eiusque amplitudo YV per
 tubi longitudinem vtcunque sit variabilis, per methodum
 prio-

priorem supra traditam motum fluidi cuiuscunque in hoc tubo inuestigare.

Solutio.

Elapso tempore $= t$ consideretur fluidi particula in tubo occupans spatiolum $YV\gamma v$, ac pro puncto Y statuantur binae coördinatae $OX = x$, $XY = y$, quarum relatio mutua cum ex figura directricis tubi detur, erit y functio ipsius x ; tubi vero amplitudo in Y minima ponatur $YV = \omega$, quae etiam vt functio ipsius x data est spectanda. Sit porro densitas fluidi in $Y = q$ et pressio $= p$, quae duae quantitates erunt functiones duarum variabilium x et t , perinde ac celeritas fluidi in tubo quae sit $= s$, cuius directio cum sit $Y\gamma$, si hoc elementum breuitatis gratia vocemus $Y\gamma = \sqrt{(dx^2 + dy^2)} = ds$, erit celeritas secundum $OX = \frac{sdx}{ds} = u$ et sec. $XY = \frac{sdy}{ds} = v$. Quia nunc sectio $YV = \omega$ ad directricem est normalis, volumen nostrae particulae $YV\gamma v$ erit $= \omega ds$ et massa $= q\omega ds$. Iam tempusculo dt progrediatur haec particula in $Y'V'y'v'$ ita vt elementum Y peruenit in Y' , eritque spatiolum

$$XX' = udt = \frac{sdx}{ds} \cdot dt \text{ et } X'Y' - XY = vdt = \frac{sdy}{ds} \cdot dt.$$

Cum autem in y essent celeritates $u + dx \left(\frac{du}{dx} \right)$ et $v + dx \left(\frac{dv}{dx} \right)$, erit progressu temporis

$$xx' = udt + dt dx \left(\frac{du}{dx} \right) \text{ et } x'y' - xy = vdt + dt dx \left(\frac{dv}{dx} \right),$$

hinc-

hincque

$$X'x' = dx + dt dx \left(\frac{du}{dx}\right) \text{ et } x'y' - X'Y' = dy + dt dx \left(\frac{dv}{dx}\right).$$

Quamobrem habebimus:

$$Y'y' = ds + \frac{dt dx^2}{ds} \left(\frac{du}{dx}\right) + \frac{dt dx dy}{ds} \left(\frac{dv}{dx}\right).$$

Deinde in Y' est amplitudo $Y'V' = \omega + udt \cdot \left(\frac{d\omega}{dx}\right)$ et densitas

$$= q + u dt \left(\frac{dq}{dx}\right) + dt \left(\frac{dq}{dt}\right);$$

ex quo concluditur particulae $Y'V'y'v'$ volumen

$$= \omega ds + \frac{\omega dt dx^2}{ds} \left(\frac{du}{dx}\right) + \frac{\omega dt dx dy}{ds} \left(\frac{dv}{dx}\right) + u dt ds \cdot \left(\frac{d\omega}{dx}\right);$$

et massa

$$= q \omega ds + \frac{q \omega dt dx^2}{ds} \left(\frac{du}{dx}\right) + \frac{q \omega dt dx dy}{ds} \left(\frac{dv}{dx}\right) + q u dt ds \cdot \left(\frac{d\omega}{dx}\right) \\ + u \omega dt ds \left(\frac{dq}{dx}\right) + \omega dt ds \left(\frac{dq}{dt}\right),$$

quae cum praecedenti $q \omega ds$ aequalis esse debeat, per $\omega dt ds$ diuidendo perueniemus ad hanc aequationem:

$$\frac{q dx^2}{ds^2} \left(\frac{du}{dx}\right) - \frac{q dx dy}{ds^2} \left(\frac{dv}{dx}\right) + q u \cdot \left(\frac{d\omega}{\omega dx}\right) + u \left(\frac{dq}{dx}\right) + \frac{dq}{dt} = 0,$$

substituantur autem hic valores $u = \frac{v dx}{ds}$, $v = \frac{v dy}{ds}$ et quia s est functio ipsarum t et x , fractiones vero $\frac{dx}{ds}$ et $\frac{dy}{ds}$ a sola x pendent, peruenietur ad hanc aequationem

$$q s \cdot \left(\frac{d\omega}{\omega ds}\right) + \frac{dx}{ds} \left(\frac{d \cdot q v}{dx}\right) + \frac{dq}{dt} = 0.$$

Deinde cum celeritates in Y' secundum directiones OX et XY sint

$$u + u dt \left(\frac{du}{dx}\right) + dt \left(\frac{du}{dt}\right) \text{ et } v + u dt \left(\frac{dv}{dx}\right) + dt \left(\frac{dv}{dt}\right),$$

erunt

erunt accelerationes :

$$u \left(\frac{du}{dx} \right) + \left(\frac{du}{dt} \right) \text{ et } u \left(\frac{dv}{dx} \right) + \left(\frac{dv}{dt} \right).$$

Ex viribus nunc sollicitantibus ponamus secundum easdem directiones resultare vires acceleratrices P. et Q. Postea vero ob pressionem in $\gamma = p + dx \left(\frac{dp}{dx} \right)$, elementum $Y\gamma v$ in directione γY retro vrgetur vi acceleratrice $= \frac{dx}{q ds} \left(\frac{dp}{dx} \right)$, vnde nascuntur vires secundum directiones OX et XY. hae:

$$P = \frac{dx^2}{q ds^2} \left(\frac{dp}{dx} \right) \text{ et } Q = \frac{dx dy}{q ds^2} \left(\frac{dp}{dx} \right),$$

hincque porro istae aequationes :

$$2gP - \frac{2g dx^2}{q ds^2} \left(\frac{dp}{dx} \right) = u \left(\frac{du}{dx} \right) + \left(\frac{du}{dt} \right) = \frac{vs}{ds} d \cdot \frac{dx}{ds} + \frac{vs dx^2}{ds^2} \left(\frac{ds}{dx} \right) + \frac{dx}{ds} \left(\frac{ds}{dt} \right)$$

$$2gQ - \frac{2g dx dy}{q ds^2} \left(\frac{dp}{dx} \right) = u \left(\frac{dv}{dx} \right) + \left(\frac{dv}{dt} \right) = \frac{vs}{ds} d \cdot \frac{dy}{ds} + \frac{vs dx dy}{ds^2} \left(\frac{ds}{dx} \right) + \frac{dy}{ds} \left(\frac{ds}{dt} \right)$$

a quarum prima per dy multiplicata, si subtrahatur altera in dx ducta relinquitur :

$$2g(Pdy - Qdx) = \frac{vs}{ds} \left(\frac{dy dx - dx dy}{ds} \right) = vs d \cdot \text{Ang. tang. } \frac{dx}{dy}.$$

Praeterea vero hinc colligitur :

$$2g(Pdx + Qdy) - \frac{2g dx}{q} \left(\frac{dp}{dx} \right) = vs dx \left(\frac{ds}{dx} \right) + ds \left(\frac{ds}{dt} \right).$$

Prior autem aequatio penitus hinc est excludenda, propterea quod ex pressione solam accelerationem secundum motus directionem computauimus, dum inde alia quoque nasceretur a lateribus tubi excepta et destructa. Vires enim P et Q aliter motum non afficiunt, nisi quatenus secundum directionem motus $Y\gamma$ agunt ex quo sola aequatio posterior in calculo relinquitur, quae si tempus t constans

statuatur, pressionem p ita definit ut sit

$$\frac{2gdp}{q} = 2g(Pdx + Qdy) - sds - ds\left(\frac{ds}{dt}\right).$$

Coroll. 1.

16. Patet ergo curvaturam lineae directricis nihil in motu fluidi turbare, dum formularum $\frac{dx}{ds}$ et $\frac{dy}{ds}$ differentia- lia, quibus curvatura definitur, penitus ex calculo eva- nuerunt.

Coroll. 2.

17. Prior quoque aequatio inventa ad formam com- modioremi reduci potest. Cum enim s sit functio ipsius x tantum, perinde est siue s consideretur ut functio ipsarum x et t siue ipsarum s et t : ex quo erit $dx\left(\frac{ds}{dx}\right) = ds\left(\frac{ds}{ds}\right)$ et ob eandem rationem $dx\left(\frac{d \cdot qy}{dx}\right) = ds\left(\frac{d \cdot qy}{ds}\right)$, unde prior aequatio abit in hanc formam:

$$q's - \frac{d\omega}{\omega ds} + \left(\frac{d \cdot qy}{dt}\right) + \left(\frac{dq}{dt}\right) = 0,$$

$$\text{et porro in hanc: } \left(\frac{d \cdot qy\omega}{ds}\right) + \omega\left(\frac{dq}{dt}\right) = 0.$$

Scholion 1.

18. Solutionem huius problematis ideo per tantus ambages minus necessarias deduxi, quo clarius appareat, curvaturam lineae directricis nihil plane in motu fluidi turbare; quod principium si statim stabilire voluissem, me- rito id in dubium vocare licuisset. Nunc autem demum certo agnoscimus, quidquid de viribus ad motum fluidi

in-

in-
a-
a-

m-
x
im
 $\frac{t_y}{t_s}$
ior

inflectendum insumitur, id quasi a tubi lateribus absorberi, ita vt eadem prodeant motus determinationes, ac si tubus esset rectilineus. De viribus tantum sollicitantibus observandum est, pro quouis fluidi elemento inde eam solum vim acceleratricem elici debere, quae secundum ipsam motus directionem agat, reliquis viribus plane neglectis, quippe quae totae in latera tubi impenduntur. Hoc notato evidens est solutionem huius problematis plane non discrepare a probl. 42. ex eoque statim derivari potuisse, tantum loco x et u scribendo s et s , et loco vis P hanc $P \frac{dx}{ds} + Q \frac{dy}{ds}$. Hoc ergo compendio iam animaduerso multo facilius sequentia problemata resoluemus.

Scholion 2.

19. Ne vlli dubio locus relinquatur, clarius declarandum videtur, cur in aestimatione pressionum quibus particula fluidi $YVyv$ vrgetur, nullam rationem inaequalitatis basium yv et YV habuerim, dum tamen in reliquis investigationibus ad eam tam sollicite respici oporteat. Cum enim posita amplitudine $YV = \omega$, amplitudo yv utique fiat $= \omega + dx \left(\frac{d\omega}{dx} \right)$, in eamque pressio agat $p + dx \left(\frac{dp}{dx} \right)$, tota pressio quam basis yv sustentat fit $p\omega + p dx \left(\frac{d\omega}{dx} \right) + \omega dx \left(\frac{dp}{dx} \right)$ dum ea, quam basis YV sustinet tantum est $= p\omega$ sicque vis retro pellens maior foret, quam in solutione assumse-

Gg 2 ram,

cus
at,
idi
re-
im
idi
in-

ram, quae eadem difficultas etiam praecedentia problemata premere videtur. Verum hoc dubium facile diluitur, si ex iis quae supra de indole pressionum sunt tradita, recordemur omnes pressionem, quae per aequales altitudines repraesentantur se mutuo in aequilibrio tenere etiamsi in bases maxime inaequales agant; hinc illius vis $p + dx \left(\frac{dp}{dx} \right)$, quam basis xy sustinet, pars p plane est in aequilibrio cum vi p basin YV urgente, etiamsi basis xy maxime foret inaequalis huic YV , ex quo pressionis illius, qua basin YV impelli vidimus, non sola pars $p\omega$ sed haec $p\omega + p dx \left(\frac{d\omega}{dx} \right)$ a pressione opposita destruitur, ita ut excessus ex sola parte $\omega dx \left(\frac{d\omega}{dx} \right)$ aestimari debeat, prorsus uti horum problematum solutionibus feci. Deinde, si cui dubium adhuc videatur, quomodo in evolutione aequationum inuentarum differentialia secundi gradus ex calculo evanescant, ita ut sit $\frac{dx}{ds} \frac{d^2x}{ds^2} + \frac{dy}{ds} \frac{d^2y}{ds^2} = 0$, is has formulas tantum evoluat, ac reperiet:

$$\frac{dx}{ds} \left(\frac{dx}{ds} \frac{d^2x}{ds^2} - \frac{dx^2}{ds^2} \frac{d^2s}{ds^2} \right) + \frac{dy}{ds} \left(\frac{dy}{ds} \frac{d^2y}{ds^2} - \frac{dy^2}{ds^2} \frac{d^2s}{ds^2} \right) \text{ quae forma ob}$$

$$dx^2 + dy^2 = ds^2 \text{ et } dx \frac{d^2x}{ds^2} + dy \frac{d^2y}{ds^2} = ds \frac{d^2s}{ds^2} \text{ abit in}$$

$$\frac{dx}{ds} \left(\frac{dx}{ds} \frac{d^2s}{ds^2} - \frac{ds^2}{ds^2} \frac{d^2s}{ds^2} \right) = 0.$$

Problema 45.

Tab. II. 29. Si tubi directrix sit IYK linea curva in eodem
 Fig. 37. plano posita cuius amplitudo per longitudinem tubi ut-
 cunque sit variabilis, per methodum posteriorem supra tra-
 di-

ditam respectu ad statum initialem habito, motum fluidi cuiuscunque in hoc tubo definire.

Solutio.

In statu initiali consideremus fluidi particulam $YVY'V'$ et pro puncto Y positis coordinatis $OX = X$, $XY = Y$, sit ipse arcus $IY = S$ et in Y amplitudo tubi $YV = \Omega$ quae siue vt functio ipsius X spectetur siue ipsius S perinde est. Tum vero sit densitas in $Y = Q$ pressio $= P$, et celeritas secundum tubi directionem $YY' = Y$, si iam capiatur tubi elementum $YY' = dS$, erit particulae nostrae volumen $= \Omega dS$ et pressio $= Q\Omega dS$. His quae ad statum initialem pertinent positis tempore $= t$ nostra particula transferatur in $yv'y'$, et pro puncto y vocetur $Ox = x$, $xy = y$ et arcus directricis $Iy = s$, tum vero densitas $= q$, et pressio $= p$, quae quantitates omnes sunt functiones duarum variabilium S et t , eaeque tales vtposito tempore $t = 0$ fiat $x = X$, $y = Y$, $s = S$, $q = Q$ et $p = P$, amplitudo vero tubi in y sit $yv = \omega$ functioni ipsius s . Quod si iam ratiocinium instituatur vt in probl. 43., quoniam tubi curuatura nihil turbat in motu fluidi, loco quantitatis X ibi tubi longitudinem denotantis hic litteram S scribi oportet. Ex viribus autem sollicitantibus si eae vires acceleratrices, quae secundum coordinatarum Ox et xy directiones agunt sint \mathfrak{P} et \mathfrak{Q} , ea quae in y secundum tu-

bi

bi directionem vrget, erit $\frac{\mathcal{P}dx + \Omega dy}{ds}$ atque hinc motus fluidi sequentibus duabus aequationibus exprimetur:

$$q\omega \left(\frac{ds}{dt}\right) = Q\Omega \quad \text{et} \quad \frac{2gdp}{q} = 2g(\mathcal{P}dx + \Omega dy) - ds \left(\frac{d^2s}{dt^2}\right),$$

in qua posteriori tempus t constans est assumtum.

Coroll. 1.

21. Denotat ergo $\left(\frac{ds}{dt}\right)$ celeritatem fluidi in tubi puncto γ elapso tempore $=t$, quam ergo ita comparatum esse oportet vt facto $t=0$ fiat $\left(\frac{ds}{dt}\right) = Y$ quippe quae celeritas in statu initiali vt cognita est spectanda.

Coroll. 2.

Curuamen ergo tubi tantum in effectu virium sollicitantium variationem parit quoniam pro quavis fluidi particula ex viribus sollicitantibus ea tantum vis acceleratrix colligi debet quae secundum tubi directionem agit.

Scholion.

23. Animaduerti hic conuenit in statu initiali neque celeritatem Y neque pressionem P pro lubitu fingi posse, cum enim hae quantitates in aequationes pro motu inuentas non ingrediantur eas ita comparatas esse oportet, vt postquam aequationes inuentae fuerint integratae, ex valoribus ipsarum s et p posito tempore $t=0$ illae quantitates oriantur. Quanquam autem integratio maximam amplitudinem secum importat, tamen effici nequit, vt in statu initiali pro singulis elementis illae ambae quantitates Y et P

datos

dato
pres
cele
verc
omr
etia
tate
gul
lut

cu
cu
se

tu
ti
n
F
I
t

datos valores obtineant. Quodsi enim fluidum nullius compressionis sit capax, statim atque in vnica tubi sectione celeritas datur, simul in omnibus reliquis determinatur, tum vero etiam per pressionem in vnico tubi loco pressionem in omnibus reliquis determinantur. Vnde satis intelligitur etiamsi densitas fuerit variabilis quia semper cum celeritate et pressione certo modo cohaeret, tamen non in singulis locis pro statu initiali celeritatem et pressionem pro lubitu fingi posse.

P r o b l e m a 46.

24. Si tubi directrix IZzK fuerit linea curva quae Tab. II. cunq̄ue non in eodem plano sita, eiusque amplitudo vt Fig. 38. cunq̄ue variabilis, definire motum fluidi in huiusmodi tubo secundum methodum priorem supra expositam.

S o l u t i o

Hac methodo vtentes statim consideramus fluidi statum ad tempus quodcunq̄ue indefinitum $= t$ a certo initio elapsum. Definita igitur directrice per ternas coordinatas $Ox = x$, $Oy = y$, $Oz = z$, quae ita a se inuicem pendent, vt pro vnica variabili haberi queant, statramus praeterea arcum directricis $Iz = s$, et in z si tubi amplitudo $zv = \omega$, quae etiam vt functio ipsius s est spectanda. In hoc iam loco z ad tempus $= t$, contemplamur fluidi particulam, cuius densitas sit $= q$, pressio $= p$ et celeri-

tas

tas secundum tubi directionem $zK = s$; quae quantitates sunt functiones duarum variabilium ipsius s scilicet et temporis t . Ex viribus denique sollicitantibus oriuntur pro puncto z hae tres vires acceleratrices P, Q, R secundum directiones coordinatarum Ox, xy et yz ; ex quibus porro vis secundum tubi directionem zK accelerans colligitur $\frac{Pdx + Qdy + Rdz}{ds}$. His positis cum tubi curvatura in motu fluidi nihil immutet, motus quaesitus sequentibus duabus aequationibus exprimetur, quarum prior relationem inter densitatem, celeritatem et amplitudinem tubi definit et ita se habet:

$$qs \cdot \frac{d\omega}{\omega ds} + \left(\frac{d \cdot qs}{ds}\right) + \left(\frac{dq}{dt}\right) = 0 \text{ seu } \left(\frac{d \cdot qs \omega}{ds}\right) + \omega \left(\frac{dq}{dt}\right) = 0,$$

altera vero praeterea pressionem inuoluit, in eaque tempus t vt constans spectatur:

$$\frac{2gdp}{q} = 2g(Pdx + Qdy + Rdz) - sds - ds \left(\frac{ds}{dt}\right).$$

Pr o b l e m a 47.

Tab. II. 25. Si tubi directrix $IZzK$ sit linea curua quaecun-
Fig. 38. que non in eodem plano posita, eiusque amplitudo vtcun-
que variabilis definire motum fluidi in huiusmodi tubo se-
cundum methodum posteriorem respectu ad statum initia-
lem habito.

S o l u t i o.

Dum singula directrices puncta Z per ternas coordi-
natas definiuntur $OX = X, XY = Y$ et $YZ = Z$, ponatur
in-

super longitudo arcus $IZ = S$ et tubi amplitudo in $Z = \Omega$. Consideretur iam fluidi particula quaecunque, quae in statu initiali ubi erat tempus $t = 0$, erat in Z , eiusque densitas $= Q$ tum vero pressio $= P$ et celeritas secundum tubi directionem $ZK = Y$; quae ergo quantitates vt datae et functiones vnius variabilis S spectari possunt. Nunc elapso tempore $= t$ eadem particula peruenerit in tubi punctum z , coordinatis $Ox = x$, $xy = y$ et $yz = z$ definitum, ubi sit arcus $Iz = s$, et tubi amplitudo $z = \omega$, quae est functio ipsius s , tum vero in z sit fluidi densitas $= q$, pressio $= p$, et celeritas secundum $zK = v$ quam per has denominationes nouimus esse $v = \left(\frac{ds}{dt}\right)$, haeque quantitates omnes vt functiones duarum variabilium S et t sunt spectandae. Denique ex solutione virium particulam in z sollicitantium deriuentur secundum directiones Ox , xy et yz hae tres vires acceleratrices \mathfrak{P} , \mathfrak{Q} et \mathfrak{R} . Quibus positis cum tubi curuatura nihil in nostra inuestigatione perturbet, habebimus vt in Probl. 45., pro motu fluidi in hoc tubo has duas aequationes:

$$q \cdot \omega \left(\frac{ds}{dt}\right) = Q \Omega$$

$$\text{et } \frac{2g dp}{q} = 2g (\mathfrak{P} dx + \mathfrak{Q} dy + \mathfrak{R} dz) - ds \left(\frac{d ds}{dt^2}\right)$$

in qua posteriori tempus t constans est assumtum,

Scholion.

26. Omnia haec problemata duplici modo dedimus soluta, dum vtramque methodum in praecedente sectione ex-

positam adhibuimus. Solutiones quidem hae geminae ratione formae plurimum discrepant, verumtamen quin semper egregie inter se conveniant nullo modo dubitari potest. Prout autem quaestiones fuerint comparatae modo magis expediet uti solutione priori modo posteriori; semper autem utramque adhibendo non solum earum consensus veritatem eo magis confirmabit, sed etiam insignes dilucidationes suppeditabit, unde veram motus naturam eo accuratius cognoscemus. Huius autem tractationis primariam divisionem praebet fluidorum diversitas, quatenus eorum densitas vel est constans vel variabilis, quorsum addi potest fluidum mixtum, veluti si fluidi continuitas in tubo bullis aëreis fuerit interrupta. Virium sollicitantium ratio tam parum afficit hanc tractationem, ut vix operae pretium sit alias vires praeter gravitatem considerari, neque hic etiam quicquam impedit, si forte actio virium $Pdx + Qdy + Rdz$ integrationem non admittat, hic enim x , y et z a se invicem pendent, et univariam variabilem constituere sunt censendae quamobrem illa difficultas locum habere nequit. At vero amplitudinis tubi variatio tanto pere in calculum influit, ut maxime conducat hinc divisionem petere; ex quo primo tubos eiusdem ubique amplitudinis sum contemplaturus. Denique omnem fluidorum diversitatem ad duas species aquae et aëris reuocare licet.